

# Awateno chon nounou insurance me ren ewe Oregon Health Plan

## Oregon epwe anganga:

1. Ekukkunatiw an state chon rese nounou insurance seni onu percent ngeni kukkun seni ruu percent, me
2. Kouku ei otufichingawa aramas ren an chon aninnis opwut aramas fan iten an ese wor nour insurance.

Anepwe wor tufichin ei angang, Oregon epwe fori angangen ar repwe atai eppetin an aramas repwe angang nour insurance ika ren ar repwe tufichingawen angei. Ekkei sokkun mwokutukutun angangan mei affat non ei taropwe epwe anisi ei state ar repwe awora insurans ngeni meinisin, fengen me anonnopoku ngeni meinisin ren ar atononga ekkan aramas ir mei ufichin nounou Medicaid me sopweno feffetannin ngeni aramas re nounou.

Pokiten an wor ruu percent ekkan aramas non Oregon rese mochen nounou,<sup>1</sup> Oregon epwe atononga ekkan 98 percent ren aramas non ar state non ei pekin insurance mei meoeoch me murinno, awora tufichin anonnopokun ngeni aramas unus ika mwo ir chon ekis. An epwe tufich angangan, ekkei sokkun mwokutukutun mei affat non Appendix B epwe ketiw fengen me en 1115(a) ennukun demonstration waver:

1. Sopweno ne atononga semirit non ewe Oregon Health Plan (OHP) tori onuwen upwutiwar (ier 0-5);
2. Epwe wor sopwosopwun ar nomw non ei OHP non ukuukun ruu ier ren ekkan semirit ier onu feita; me
3. Mwitir ne atononga non ei OHP ekkan aramas re apply nour aninnisin Supplemental Nutrition Assistance Prokram (SNAP).

## Osukosuk me Porousan

Mei wor tufichin an aramas repwe nounou insurance ren ar pwe angei tufichin angangen tumwun ren ar health fengen me ar famini. Ekkan aramas ese wor nour insurance, mei weires ar repwe angei tufichin angangen tumwun ren ar health,<sup>2</sup> ina epwe meommong ngenir ar niwinimmang ika

---

<sup>1</sup> Angangen Survey ren Oregon Health Insurance (2019)


<sup>2</sup> Hailun Liang, May A. Beydoun, me Shaker M. Eid, Angangen Met Osupwang ren Pekin Health, ren Aninis me Tour ngeni Care Among Medicaid me Mei Semwen Rese Insure Mei Wor ar Watten Samwau non Ekkewe Health Center, Journal ren Health Searvices & Policy 24, nampa 3 (Jul 2019): 172-181.

ra angang ar pekin tumwun,<sup>3</sup> ina nour resapw pwan angei tufichin pekin tumwun ussun ekkan ir mei nounou Medicaid.<sup>4</sup> Meni ina repwe pwan emonungaw seni ar semwen, iwe a fetan ngeni an epwe ngaweno ar health me fetan ngeni an epwe wattenno pekin tumwun me ar repwe safei, iwe pwan wattenno niwinin ar safei ren ar semwen.<sup>5, 6</sup>

Ika mwo mei chommongono chon nounou insurance fan iten ewe Affordable Care Act (ACA) me ketiwen angangen an oregon ei 1115(a), mei chiwen chommon chon Oregon rese nounou insurance. Ukuukun ekkan rese nounou insurance non unusen ei state mei akkarap ngeni 6 percent me mwirimwirin cheunon ewe ACA non ewe 2014. Ngawan pwe, napengeni ekkan aramas rese nounou insurance nge ekkan mei sokkono enuwen unuchar me ekkan Einang an chon Intian (katon Figure 1).<sup>7</sup> Ekkei sokkun napanap mei affata pwe ese nonnopok kaworen tufich ngeni meinisin me nukun ekkan chon won. Ach sipwe tongeni awesano ewe angangen nifinifin me mwen 2030, Oregon epwe ataetiw ekkei sokkun eppet mei efisi ei tufichingawen angangen aninnis.

### Nios 1

#### Ekkewe nenien ekkewe mei sakono onuwen unucher napengeni ir rese insure.



*Porous seni: Oregon Health Insurance Survey (2019)*

<sup>3</sup> Sherry Glied and Richard Kronick, *The Value of Health Insurance: Few of the Uninsured Have Adequate Resources to Pay Potential Hospital Bills* (Washington, DC: Office of Assistant Secretary for Planning and Evaluation, HHS, May 2011), <http://aspe.hhs.gov/health/reports/2011/ValueofInsurance/rb.pdf>

<sup>4</sup> Maya Venkataramani et al., “Spillover Effects of Adult Medicaid Expansions on Children’s Use of Preventive Services,” *Pediatrics*, December 2017, <https://pediatrics.aappublications.org/content/140/6/e20170953>

<sup>5</sup> KFF analysis of the 2019 National Health Interview Survey. <https://www.kff.org/uninsured/issue-brief/key-facts-about-the-uninsured-population/view/footnotes/#footnote-494622-13>

<sup>6</sup> Cesar I. Fernandez-Lazaro, et al., “Medication Adherence and Barriers Among Low-Income, Uninsured Patients with Multiple Chronic Conditions,” *Research in Social and Administrative Pharmacy* 15, no. 6 (June 2019): 744-753.

<sup>7</sup> Angangen Survey ren Health Insurance non Oregon, 2019

Nonnomwun an aramas tonong ngeni ei, fonu ina ena e eppet i an aramas repwe kut nour insurance, ina pwan ew pekin angangen nifinifin. An ketiw ewe Cover All Kids (2017) me ewe Cover All People (2021), ewe Oregon Legislature mei fori angangen kaworen mwonien state an epwe no ngeni angangen kaworen insurance ngeni aramas non Oregon rese tufichin angang nour Medicaid ren nonnomwun ar tonong ngeni ei fonu status.<sup>8,9</sup> Nge, ika ese wor prokrammin katonong, iwe aramas re sonanong non ei fonu me ekkan aramas rese nounou insurance, ina epwe wor tufichingawen fosun fonuwar, ar eoreni, me niw ar repwe kut nour insurance ika agei tufichin angangen tumwun.<sup>10</sup> Oregon mei nenengeni ar repwe fori angangen ekkei sokkun eppet ren ar awora pekin osukunnen aramas ren porousen insurance an state me Medicaid, anongonong won met sokkun repwe nounou, fengen me tumwuneochu pwe epwe kawor ngenir aninnisin tumwun ika mei auchea ngenir.

Napengeni aramas rese nounou insurance non Oregon ir mei tufichin repwe nounou Medicaid ika Marketplace health insurance. Angangen ewe Survey ren Oregon Health Insurance (OHIS) mei apwarano ekkei:

**Akkarap ngeni esopw ekkewe aramas rese nounou insurance non Oregon re ara pwe e "kouno nour OHP" ina ren rese chiwen nounou insurance.**<sup>11</sup> Ewe Oregon Health Insurance Survey mei affata pwe napengeni ekkei aramas non Oregon ir mei tufichin angei en OHP ika mwo a kouno nour OHP, ir mei tongeni nounou sefan non ew ier ika ruu.

Katou me non angang (23%), an ese naaf ngenir ar repwe meoni (20%), ar rese tufichin angei ren kukkunun nour awa (12%), me an ese kawor me non ar nenien angang (7%), ikkei popwun an aramas rese nounou insurance.

**Akkarap ngeni 78% ekkei aramas non Oregon rese nounou insurance, ir mei tufichin nounou en OHP ika nounou seni en Oregon Health Insurance Marketplace.** Akkarap 26% ekkan aramas non Oregon rese nounou insurance, mei tufich ar repwe nounou OHP. Ekkan semirit ir mei tongeni nounou Medicaid mei watte mwen ena: akkarap 60% semiritten Oregon ir mei tufichin nounou en CHIP. Akkarap 52% aramas rese nounou insurance non Oregon ir mei tufichin repwe nounou insurance seni en Oregon Health Insurance Marketplace

**Napengeni ekkan aramas mei sokkono enuwen unuchar rese nounou insurance, ir mei tufichin nounou en OHP.** Wewen pwe angangen atouren ekkei tufich ngeni aramas ar repwe nounou OHP, ina ena mwokutukut ren anonnopokun tufich. Me mein ekkan chon Hispanic ika chon Latinx, 1 me nein 3 ir mei tufichin nounou OHP nge rese katonong; me

---

8 <https://olis.oregonlegislature.gov/liz/2021R1/Measures/Overview/HB3352>

9 <https://olis.oregonlegislature.gov/liz/2017R1/Downloads/MeasureDocument/SB558/Enrolled>

10 <https://www.ncbi.nlm.nih.gov/pmc/articles/PMC4634824/>

11 Angangen Survey ren Health Insurance non Oregon, 2019

nein ekkan esapw ir Hispanic nge esapw ir ekkan mei pwechepwech, akkarap 42% mei wor nour inkam iwe ir mei tufichin nounou OHP.

Porousen en OHIS ren an kouno noun aramas insurance mei tongeni ataieno kokkotun non manawar ren ar rese chiwen angei tufichin angangen tumwun me ar kouno ne chuuno ngeni nour tokter. Non 2015, ew pekin kaeo ngeni ren porousen siiwin (an aramas siwini nour insurance ika ar tou pwan tonong sefa non insurance) mei affata pwe ekkan aramas mei tano feffetanin nour insurance ren an kouno me poputa sefan, mei siiwin nour tokter me pwan kouno tufichin angangen ar safei merer, mwen ekkan aramas re swini nour insurance nge ese kouno tufichin. Ekkan aramas re nomw non osukosuk ren an kouno me poputa sefan nour insurance, ir mei affata pwe e mangeno ar angangen pekin tumwun ren niwinin, tufichingawen ar repwe omwusa ar niwinimang, ika kuna pwe mei wor tumwunungaw ngenir. Nesopwonon, esopw ekkan aramas re osukosuk ren an kouno me poputa sefan nour insurance ir mei affata pwe mei ngaweno ar health me tumwunoch ngenir (mwen ekkan 20 percent ese kouno nour insurance).<sup>12</sup> Pwan och, angangen non ewe 2015 ren ar katon porousen non ewe 2005-2010, niwinin an emon katou/niwinong non nour insurance fan ew chok nge mei tori \$400 me \$600 non 2015, niwinin non ena atun minne-ka ina ina epwene meomongono ikenai.<sup>13</sup>

Oregon e mochen fori ar angangen sopwosopwonon tumwunun semirit seni ar upwutiw tori onuwen upwutiwar fengen me tumwunochu pwe ekkan semirit repwe poputa sukuun non ar mwonneta. Mei affat non an Oregon angangen en prokrammin Raise Up Oregon,<sup>14</sup> pwe tumwunochun pochokkunen inis me nonnomwun semirit me eppetin semwen, fengen me affaten menni semirit mei wor ar semwenin netip, semwenin ekiek me apwangapwangen inis mei auchea ngeni ar angang. An sopwosopwono tumwunochun semirit, na ena pisekin angang ren tufichin kaworen aninnis ren tumwun me eppetin semwen mei auchea ren an epwe ffat me an epwe wor angangen aninnis ren semwenin inis, netip, me osukosuken ekiek me mwen an epwe angawano an semirit kaeo ren pekin sukuun.<sup>15</sup> Ekkan pekin kaeo ngeni mei affata pwe ika e tano feffetanin noun aramas insurance, ina epwe ngaweno ar pekin aninnis ren tumwun, safei me tumwunun ngiir, mangeno ar angangen tumwun ren semwen (14) me awatteno fansoun an esapw wor ar tumwunun inis me an nour tumwunun inis<sup>16,17</sup>. Mei pwan watte ngawen an wor osukosuken

---

<sup>12</sup> <https://www.healthaffairs.org/doi/10.1377/hlthaff.2016.0455>

<sup>13</sup> <https://www.healthaffairs.org/doi/10.1377/hlthaff.2014.1204>

<sup>14</sup> <https://oregonearlylearning.com/wp-content/uploads/2019/01/Raise-Up-Oregon-Web-corrected.pdf>

<sup>15</sup> <https://ccf.georgetown.edu/wp-content/uploads/2021/07/Continuous-Coverage-Medicaid-CHIP-final.pdf>

<sup>16</sup> Jennifer E. DeVoe, Alan Graham, Lisa Krois, Jeanene Smith, Gerry L. Fairbrother, "Mind the Gap" in Children's Health Insurance Coverage: Does the Length of a Child's Coverage Gap Matter?, *Ambulatory Pediatrics*, Volume 8, Issue 2, 2008.

<sup>17</sup> Cassidy A, Fairbrother G, Newacheck PW. The impact of insurance instability on children's access, utilization, and satisfaction with health care. *Ambul Pediatr*. 2008 Sep-Oct;8(5):321-8. doi: 10.1016/j.ambp.2008.04.007. Epub 2008 Jun 16. PMID: 18922506.

angangen tufich ren ekkan semirit, minne-ka Oregon e mochen akkomwar, pwe ekkan soutipachem ir mei affata pwe repwe chek ren nour tokter fan 16 me mwen ar repwe tori ier 6.<sup>18</sup>

Oregon epwe pwan etiwa ekkan ennuken angangen tufich ar repwe awora ngeni ekkan aramas rese nounou insurance ei OHP ika insurance me non ewe Oregon Health Insurance Marketplace. Ren angangen an epwe kawor me an epwe mecheres ngeni aramas ren katonong non ekkei prokram me angang mei murinno, Oregon a etiwa en Oregon Eligibility (ONE) system ren prokrammin MAGI Medicaid/CHIP non 2015, fengen me sopwengeni angangan non ewe 2020 ran an epwe pachenong SNAP, TANF, me prokrammin Employment Related Daycare (ERDC).<sup>19</sup>

Non 2013, Oregon mei etiwa me emwittiri ewe angangen katonong ren ponuwetan mochenien ewe CMS, ren an ei state awora ngeni ekkan aramas re nounou SNAP nge ese mak pwe ir mei nounou en OHP.<sup>20</sup> Ewe angangen katon porousen non ewe 2021 renchon nounou SNAP, mei ffat pwe 17% ekkan aramas (ier 19 feita) re nounou SNAP ren ar inkam mei kukkun seni 138% FPL (renchon nounou SNAP non ew imw me kapachen nour inkam) rese nounou en OHP, fengen me 7% me nein nour semirit (ier 18 feitiw) chon nounou SNAP nge ar inkam mei kukkun seni 305% FPL rese nounou en OHP. Ei nge mei affata pwe epwe wor ew angangen porousen non ekkan prokram an epwe chommongono chon nounou en OHP.

## Affaten angangan

Ren ekkei osukosuk mei tetten asan ei, a ffat pwe mei wor angangen an esapw wor eppetin kaworen insurance me an epwe sopwosopwono; pwe ekkei eppet mei osukosuka ekkan aramas non ar community mei sokkono enuwen inisir, iwe efisi an esapw nonnopok ar angangen aninnisin tumwun. Ekkan aramas mei sokkono enuwen inisir mei watte fansoun an esapw wor nour insurance, ina ren Oregon e mochen esipa pwangapwangekkisin non ei system ren an epwe wesino an aramas tou me non nour insurance ika wesino eppetin tufichin angangan. Non an Oregon Legislature fori anganen kaworen insurance ngeni ese nifinifin, ekkei mwokutukut mei affat fan ei mei fori angangen awesin ekkei sokkun eppetin angangen insurance ren an efisi osukosuken anonnopokun.

### Epwe sopwosopwono tumwunun semirit seni poputan ar manaw

#### 1. Sopwosopwono tumwunun semirit tori onuwen upwutiwar

Oregon e mochen an epwe sopwosopwono tufichin insurance ngeni ekkan semirit tori emwuchunon en maramen onuwen (6th) upwutiwar, ese pwan nifinifin menni ier re katonong non en Oregon Health Plan, ika mwo re tonong non ew fansoun ar rese chiwen tongeni nounou tufichin. Oregon mei awora ew pekin federal ren an epwe 12 maramen sopwosopwono kaworen tufichin ngeni ekkan semirit ier 0-18 fengen me kaworen tufich ngeni ekkan ra 19 ier ika ekkan ra tou me non en

---

<sup>18</sup> <https://ccf.georgetown.edu/wp-content/uploads/2018/10/Promoting-Healthy-Development-v5-1.pdf>

<sup>19</sup> ONE.oregon.gov is Oregon's single system to apply for health and human services benefits

<sup>20</sup> SHO letter dated May 17, 2013, titled "RE: Facilitating Medicaid and CHIP Enrollment and Renewal in 2014"

state, pwe ina ennuken federal. Ar attamano fansoun tufich ngeni semirit, ina ena angang epwe otaochu angangen nour insurance fengen me sopweno tufichin ar chek ren our tokter me kaworen ar safei.

Sopwosopwonon tufichin en OHP epwe ekukkunatiw fansoun osukosuk ngeni ekkei aramas fengen me awora tufichin angangen tumwun, minne-ka mei auchea ngeni epochokkunen ar health. Pokiten an chommong ekkei semirit ir mei tongeni angei tufichin insurance, awesin ekkei osukosuk epwe pwan ekukkunatiw niwinin an state angangen katonong sefan me osukosuken an ekkan famini apply sefan. Pwan ew, ar attamano fansoun an ekkan semirit angei tufichin insurance mei ekukkunatiw niwinin emon me emon ar katonong, pwe ekan semirit re nomwottam non en OHP mei kawor ngenir angangen eppetin semwen fengen me ekukkunatiw fansoun an epwe meomongono niwinin tumwun ren an mangeno tufichin aninnis ngenir. Ar pwan attamano fansoun ar repwe cheki porousen ekkan famini ika repwe tufichin nounou ekkei insurance ina epwe emecheresi ngeni ekkan famini fengen me attamano tufichin ngeni chon nounou ei OHP.

## **Awora angangen ekukkunutiwen osukosuk ngeni chon nounou Medicaid**

### **2. Awora sopwosowonon tufichin katonong non OHP ngeni aramas ier 6 feita, non ukuukun ruu-ier**

Oregon epwe pwan awora sopwosopwonon tufich non ukuukun ruu-ier ngeni semirit me aramas ier 6 feita, ika mwo re tonong non ew fansoun ar rese chiwen tongeni nounou tufichin. Ei sokkun siwin epwe:

- sopweno tufichin insurance ngeni semirit me aramas,
- awora tufichin aninnisin tumwun me eppetin semwen, me
- sopweno an aramas angangen tufichin tumwun me safei ika re semwen.

Kaworen sopwosopwonon katonong me attamano fansoun a aramas repwe renew nour taropwen katonong epwe awora sopwosopwonon angangen tufichin non an ketiw ei ennuken an federal ren ekkei COVID relief bill mei ketiw non ewe 2020. Non ewe 2018 me 2019, akkarap 25% ekkewe minafeo chon tonong non OHP ir mei piin katonong non ekkewe 6 maram me mwan. Non ewe 6 maram emwuchunon non ewe 2020, mei turutiw ngeni chok 5% chon katonong. Ar nenengeni fansoun an aramas katonong sefan non en OHP mei affata pwe meni re katou me non en OHP nge ir mei tufichin angei. Kukkunutiwen nampan chon katonong sefan mei apwarano pwe an chon federal ennuken fan iten ei maan-tter ren kaworen tufichin tumwun ngeni aramas mei ekukkunatiw osukosuken chon nounou Medicaid.

## **Angangen katonong me tufichin angang ren aramas re kut pwan ekkoch aninnis**

### **3. Awora emwittirin katonong non OHP ren ekkan aramas re apply nour aninnisin SNAP**

Oregon epwe awora ew angangen emwittirin katonong non OHP ngeni aramas re apply nour aninnisin Supplemental Nutrition Assistance Prokram (SNAP). En Oregon Health Authority epwe kutta ekkan aramas re: 1) wor ar keis ren SNAP 2) wor nour inkam ren ennuken OHP me 3) rese

mochen katonong non en OHP. Epwe wor esinesin ngeni aramas ika ir mei tongeni tonong non en OHP ren porousen non nour taropwen SNAP. Ekkan ir mei ponuwani fengen me ponuwani ekkoch ar kapas eis (ren ika re tonong non en OHP nge esapw osukosuka nou Medicare, insurance meren Marketplace, ika aninnis ren ier watte ika apwanapwangen inis) repwe katonong non en OHP nge repwe chok nounou porousen non nour en taropwen SNAP.

Ar nounou porousen non noun aramas taropwen SNAP ren ar repwe katonong non Medicaid/CHIP mei ketiw meren chon CMS non ewe 2015 SHO # 15-001 taropwe, taitonun nge "RE: Policy Options for Using SNAP to Determine Medicaid Eligibility and an Update on Targeted Enrollment Strategies." An wor mwuumwuuta ren ei SHO taropwe nge ren ekkoch minne-ka ir mei tongeni nounou SNAP me Medicaid/CHIP me annomwau ekkan chon nounou SNAP ika mei sokkoffesen. Pwan ew, ekkan chon nounou SNAP nge mei wor chon non imwar "rese tongeni nounou pwe esapw ir citizen" resap nomw non en angangen emwittirin katonong non Medicaid/CHIP; ekkan aramas minna-ka porousen ar tonong non ei fonu mei etiwa ar repwe tongeni angei tufichin en Medicaid/CHIP; me meinisin aramas ir mei tufichin angei en CAWEM, Cover All Kids, ika en Cover All People rese tongeni angei ren ena sokkun mwuumwuuta. Pokiten ei awewe, Oregon e mochen siwini kaworen tufich an chon OHA repwe ekieki pwe chon nounou ar aninnis ir mei tongeni nounou en OHP ren porousen non nour taropwen SNAP ika mwo porousen ika repwe tongeni nounou Medicaid ese affat. Ekkan aramas re katonong non en OHP ren en anen emwittiri ren nour SNAP mei tongeni sopwsopwono tufichin ngenir non ukuukun ruu ier seni nepoputan ar katonong non en OHP. Me mwirin ena ruu ier, iwe ra poputa ne ammasowa taropwen ar repwe sopweno ne nounou ena OHP.

Katonongen aramas ren ar nounou en SNAP ina epwe emecheresi ngeni ekkan famini kaworen tufich me mwen ar repwe apply ngeni ew me ew ekkan sokkopaten prokram. Ei sokkun angangen siiwin epwe awatteno chon tonong non en Oregon Health Plan fengen me awora tufichin ekkei ruu prokram an fori angangen aninnis ngeni met mei auchea ngeni ekkan famini.

## **Met wewen ekkei ennuk ngeni ekkewe chon nounou OHP**

Ren ekkan aramas ir mei tongeni angei tufichin nge rese tonong non en OHP, ina epwe kawor ngenir fansoun angangen aninnis ren ar repwe katonong non en OHP, non pwisin fosun fonuwar meren ekkan chon anisir me ekkan organization ren chon anisi aramas no ar community. Ika na aramas ika ar famini ir mei aea pwan ekkoch aninnis, awewe ren aninnis ren mwongo non en Supplemental Nutrition Assistance Prokram, fan ekkoch re kan eita ngeni aninnisin en Oregon Trail Card ika EBT, nge ese wor nour insurance, ina epwe kawor ngenir porousen ar repwe nounou en OHP nge esapw pwan wor tichikin kapas eis.

Ren ekkan semirit ir mei nounou OHP, sopwosopwonon kaworen tufichin seni ar upwutiw tori onuwen upwutiwar, epwe awora tufichin nour insurance, ar chuuno ngeni nour tokter ra eorenir epwe sopwosopwono fengen me ekukkunatiw fansoun an wor osukosuken tumwun me nekukkunur, atun fen auchean.

Ren ekkan iin me saam me chon tumwun semirit re nounou OHP ier onu feita, epwe wor en ennukun ruu-ier sopwosopwonon ar nounou tufichin pwe esapw pwan wor noniinenin ika e ekis sokkono porousen ar angang ika nour inkam ren osukosuken kaworen tumwun ngeni semirit me aramas. Iin me saam me aramas ra ier watte re nomw won OHP epwe pwan wor tufichin an tameno nefeinen fansoun ar repwe renew, ekukkunatiw ar osukosuk, ekukkunatiw osukosuken ar meoni niwinin tumwun ren ar health fengen me kaworen chon tumwun ra eoreni epwe sopwosopwono.



# Appendix A

## Sopwosopwun (non-1115(a) taropwen ekkesiiwin) anganen kokkot

Fan iei, mei wor sopwosopwun anganen kokkot Oregon mei achocho ne fori ren an epwe tufich ei angang. Ika mei tufich, Oregon epwe pwan awora en 1332 taropwen ekkesiiwin me pwan ekkoch mwokutukutun ren an epwe ketiw angangan.

1. Awora anganen siwinin ekkan insurance non market pwe epwe awora sopwosopwun tufichin me kaworen aninnisin tumwun ngeni aramas re nounou health insurance me non en Oregon Health Insurance Marketplace, non an etiwa ennukun me angangen aninnis ngeni aramas me famini ika ra siiwin seni Medicaid ngeni pwan ew sokkun insurance, me non en 1332 taropwen ekkesiiwin.
2. Kaworen sopwosopwonon tufichin ngeni fefin re keran wes me nounou, ngeni 12 maram fan April 2022 ren en state plan amendment (SPA) ren tufichin ewe American Rescue Plan Act ren 2021.
3. Fori pwe ekkewe CCO repwe sopweno ne fori angangen tou ne no osukun ngeni non neni me pwan for iangangen aninis minne epwe tongeni anisi me fori an ekkewe ir member iei repwe chok tufichin pwan nounou non an epwe chok awesano ne fateno pwinin maram ren tufichin chok pachenong non me pwan ewe angangen tou no osukun me fori ewe angang mei mwokut non unusen ekkewe program.
4. Fiti ekkewe masowen non ewe Senat Bill 65<sup>21</sup> non fansoun an ewe Anepwungun Oregon mwiich non 2021, ewe wiis ren chon omwokutu ewe Oregon Health Insurance Marketplace epwe ne mwokut ngeni OHA. Ei ekkesiwinin omwokut epwe tongeni mwut ngeni OHA an epwe mecheres ne kutta ekkewe sokkun angangen aninis epwe eochueno coverage ngeni aramas ion mei wor an epwe ekkesiwin nefinen OHP me ewe coverage ren Marketplace.
5. Epwe chok taitap fengen me pwan ekkoch an state me federal angang ren an epwe awateno ika eochueno coverage ren pekin health care, pachenong ewe Task Force non Oregon won Universal Healthcare me ewe angang an ewe anepwung ren ar repwe nengeni met epwe kefin seni aramas ese nifinifin.<sup>22</sup>
6. Sopweno ne fori ewe Cover All Kids (2017) me ewe Cover All People (2021), ewe angang mei fis anongonong won an ewe anepwung non Oregon mochen epwe ounusanong an aninis ren an meinisin aramas non Oregon repwe tongeni pachenong non ren ekkewe ir rese tufichin nounou ewe Medicaid pwokiten seni nonnomwun ar tonong ngeni ei fonu.

---

<sup>21</sup> <https://olis.oregonlegislature.gov/liz/2021R1/Measures/Overview/SB65>

<sup>22</sup> <https://www.oregon.gov/oha/HPA/HP/Pages/Task-Force-Universal-Health-Care.aspx>

7. Sopweno ne fori ewe prokramen Alien Waived Emergent Medical (CAWEM) ewe an epwe pachenong pwan chommong anen aninis ewe ir mei nomw non ewe awewen foos ren aninisin fansoun atapwanapwan me coverage ren ekkoch pwan aninis ren Cover All People, anganga ewe monien aninisin CAWEM ngeni aninisin fansoun atapwanapwan ewe mei tongeni no ngeni ewe chon nomw non ewe Cover All People.
8. Mwuut ngeni ekkewe chon amasow nour taropwe ngeni pwe repwe pusin anetata ar kewe moni tonong, ew onnuk mei fetaneoch non an achocho ngeni ne eukatiw kounon ewe coverage non ei fansoun pandemic ren COVID-19.<sup>23</sup> Oregon mei mochen an epwe anomwano chok ewe onnuk mei kawor usun ew pwan masowen ewe Public Health Emergency ren angangen ekkewe taropwen application me ngengeni sefani an emon tufichin epwe pachenong. Ei ekkesiwin mei anapano mwutirin an emon chon ammasow noun taropwe epwe tongeni angei noun taropwen pwarata ren ewe coverage me ar tufichin tour ngeni sokkun aninis ren ar mwut ngenir repwe pachenong non ewe coverage me mwen an epwe fateochuno ar moni tonong.
9. Anonnopoku ekkewe fansoun ren an ekkewe chon nounou repwe tufichin amasow sefan pwe ekkewe chon nounou SNAP, TANF me tufichin nounou OHP repwe affat sefan ika pwe ir mei tufichin nounou an epwe fis non ew chok fansoun. Ei ekkesiwin epwe amecheresano ewe angang ren ekkewe famini ar repwe chok nomw won ewe aninis me pwan ekisano niiwin ren angangen forun taropwe ngeni ewe state.

En mei tongeni angei ei taropwe non fosun fonuwomw, echo mei mesemmong makkan, makken braille ika met uchok ka finieta ren eoch sokkun napanap epwe mak. Atoura mefiom ngeni ewe Community Partner Outreach Prokran ikei [community.outreach@dhsosha.state.or.us](mailto:community.outreach@dhsosha.state.or.us) ika kokkorir won nampa 1-833-647-3678. Kich mei etiwa meinisin chon koko, en mei pwan tongeni kokori 711.

---

<sup>23</sup> Met kunaein OHA ren data fan iten chon nounou Medicaid